

Euskadi Ta Askatasunaren agiria Euskal Herriari

■ ETak, EGUNKARIARI igorritako agirian, irailaren 18an indarrean jarritako behin-behineko su-etena mantentzea erabaki duela iragarri du. Erabaki hori

«herri eraikuntzaren prozesuan egin diren urratsak eta sortu den esperantzazko giroa kontuan hartuz eta datozen hilabeteetan eraikuntza bidean

emanen den aurrerakadari begiratzuz» hartu duela dio. Halaber, azken hilabeteetako gertaeren irakurketa egiten du ETak.

«Hilabeteotako lana Euskal Herria eraikiko den orubea ateratzea da»

ETak, nazio askapenerako euskal erakunde sozialista iraultzaileak, agiri honen bidez azken bost hilabeteotan Euskal Herrian bizi izan den egoerari buruzko hausnarketa eta ondorioz hartu duen erabakiaren berri eman nahi dio euskal gizarteari.

Duela bost hilabete, su-eten mugagabe eta orokorra iragarritz argitara emandako Agirian egoeraren irakurketa zehatza egiteaz gain, etorkizunari begira ibili beharreko bidea eta landu beharreko ildo orokorrak zeintzu zirenaren berri eman genuen.

Su-etena iragarri aurretik, Euskal Herria egoera berri batetara eramanez aldaketak neurtu genituen eta borondateak aztertu. Ezker abertzaleko kide eta euskal herritar askoren urtetako borroka eta eskeintza militanteari esker gure herriaren etorkizuna oinarri berri eta sendoen gainean eraikitzeko baldintzak sortuak genituelakoan geunden orduan:

—Espainiak eta Frantziak askatasunaren bidean ezarri izan dizkigun oztopo eta amarru administratiboek beren eraginkortasun eza erakusten zuten nabarmen;

—ezker abertzalea, gatazka armatua gainditzebidean jarriko duen bake-rako proposamena esku batean eta Independentzia eta sozialismoa lortzeko erabakitasuna bestean, jasandako eraso anitzei aurre egin ondoren, eraginkortasun berria eskuratzear zegoen; «bidegurutze»tzat hartu den egoera konplexu honetan, ezker abertzaleak urtetan sutsuki defendatu duen oinarritzko hauta-bidea aurkezteko eta garatzeko aukera paregabea du: Euskal Herriari hitza ematean (eta errespetatzean) oinarritzen den hautabidea.

—bestalde, azken bi hamarkadetan Euskal Herriaren etsaiekin kolaborazio gero eta estuagoan arituak ziren antolakunde desberdinek irteerarik gabeko bide hori utzi eta bestelako bideetan barrena abiatzeko asmoak agertuak zituzten. Itxuraz, independentziaren aldeko borrokarekin amaitzeko ezintasuna nabarmendu zenean eta Euskal Herriaren ingurune geopolitiko hurbila den Europak eragin eta eragingo dituen aldaketen kariaz, tradizioz Espainia eta Frantziaren alde jokatu izan duten bertako indar sozioekonomiko eta boteretsu batzuk beren etorkizuna marko horretan zalantzan ikusi zuten. Horrek hausnarketa berri bat sortu ei zuen haien baitan: Autonomismotik landa dagokeen egoera berri bat eskuratu beharra. Halabaina, Espainia eta Frantziako botere faktikoek ez dute Eus-



Eraikuntza prozesua

■ ■ ■ «Inoiz baino gehiago herritar guztien ahalegina da beharrezkoa urrats eraginkor eta funtsezko aldaketak gauzatzeko»

■ ■ ■ «‘Euskal Herriaren eraikuntza orubea’ kontzeptu bezala diogu; dinamika orokorrean, eta baita arloka ere, formatu eta forma eman behar zaio»

kal Herriarentzat tarteko alternatiba politikorik. Ez bederen EA eta PNV bezalako alderdien kolaborazio berririk gabe. Atzo-gaurko «autonomismo organikoa» eta biharko Autodeterminazio eta Lurraldetasunean oinarritutako Subiranotasunaren artean ez dago tarte berririk, ez baldin bada beste hogeitaz, esaterako, egiazko konponketa saihestu eta gatazka luzatuko lukeen sasi-eskeintza antzu berri bat asmatzen. Baina esan bezala, horrek EA eta PNVren kolaborazioa ezinbestekoa eskatuko luke.

Bost hilabetez eraikuntza prestaketa-lanetan

Gertaerak arrapaladan etorri zaizkigu bost hilabeteotan. Baina zer da aldatu dena? Politikagintzan, indar harremanetan eta etorkizuneko urratsei begira aldaketa sakonak erakar ditzaketen zantzuak eta ekimenak plazaratu direlakoan gaude. Su-etenearen aurretik aipagai genituen etorkizuneko egoera batzu gauzatzera jo dutela ukaezinezkoa da. Euskal Herria prozesu dinamiko berri batetan sartua dugu, herri eraikuntzaren prozesuan, eta eraikuntza horren abia azkarragoa ala motelagoa izatea herritar bakoitzak, antolakunde bakoitzak bere aldetik eskeiniko duenaren araberakoa izango delakoan gaude.

Arriskurik haundiena herritarrek gertakari horien eragile ez izatea litzateke, zer egin jakin gabe edo zer eginik ez dagoela pentsatu eta alderdi politiko edo zuzendaritza egituretatik gauzak «ondo lotuak» daudelakoan esperoan eta besogurutzaturik egotea litzateke. Euskal Herriaren askatasuna baitago erronkaren erdian, eta inoiz baino gehiago herritar guztien ahalegina da beharrezkoa urrats eraginkor eta funtsezko aldaketak gauzatzeko. Grina eta zintzotasuna behar beharrezko ditu Euskal Herriak, epelkeriak alde batera utzi eta erresistentzian bezainbesteko tinkotasun erakutsi behar dugu orain eraikuntzan (lehe-